



Rujuk: APMM PA 133/5 Jil 2 ()

Tarikh: 15 Februari 2012

Siaran Media

SAMBUTAN HARI ULANG TAHUN MARITIM MALAYSIA KE-8

1. **KUANTAN, 15 Feb** – Agenzi Penguatkuasaan Maritim Malaysia atau lebih dikenali sebagai Maritim Malaysia menyambut ulang tahun ke-8 hari ini yang dirasmikan oleh Ketua Pengarah Agenzi Penguatkuasaan Maritim Malaysia, YBhg. Laksamana Maritim Datuk Mohd Amdan bin Kurish. Kira-kira 300 pegawai dan pegawai lain-lain pangkat dari perkhidmatan penguat kuasa terlibat dalam upacara perbarisan. Sambutan yang bertemakan 'Maritim Berintergriti, Negara Dihormati' disambut pada 15 Februari sejak tahun 2005 sempena tarikh penubuhan rasmi Maritim Malaysia.
2. Sejak memulakan operasinya pada tahun 2006 sehingga Disember 2012, menunjukkan pemeriksaan yang kerap telah menurunkan perlakuan jenayah maritim iaitu 48.06% pada 2006 kepada 3% pada tahun 2012. Peratusan ini juga memberi indikator bahawa wujudnya kesedaran dan pematuhan undang-undang di kalangan komuniti maritim.
3. Peratus penurunan jenayah maritim ini adalah disebabkan oleh peningkatan penguatkuasaan melalui rondaan, pemeriksaan dan tangkapan yang dilakukan oleh agensi ini. Maritim Malaysia memulakan operasinya pada tahun 2006 dengan jumlah pemeriksaan yang dilakukan terhadap vesel di laut adalah 360, kemudian jumlah pemeriksaan ini telah meningkat kepada 26,792 pemeriksaan pada tahun 2012. Bagi jumlah tangkapan, menunjukkan peningkatan pada lima tahun pertama agensi ini beroperasi dan ianya mulai menurun pada tahun 2011 dan 2012. Maritim Malaysia melihat penurunan ini sebagai kesan positif terhadap pematuhan undang-undang di laut di kalangan komuniti maritim.
4. Kejadian pelanunan dan rompakan yang melibatkan kapal dagang di perairan negara juga jelas telah menurun. Tiada kes dilaporkan berlaku pada 2009 hingga 2010, manakala pada 2011 hanya dua kes saja yang dikesan berlaku dan ia kembali sifar pada tahun 2012. Prestasi ini memberi keyakinan kepada komuniti maritim untuk menjalankan kegiatan di laut dan turut membantu menggiatkan pertumbuhan ekonomi

negara. Di antara kes-kes berprofil tinggi yang berjaya ditangani pada tahun 2012 ialah:

- 4.1 Menangkap 4 perompak yang merompak bot tunda di Tg. Sipang, Sarawak pada 18 Oktober 2012. Bagaimanapun, kesemua perompak dilepaskan kerana kekurangan bukti.
- 4.2 Menggagalkan cubaan 8 perompak untuk merompak kapal MT Merlion pada 11 Disember 2012 di Perairan Pengerang Selatan Johor. Perbicaraan telah dijalankan pada 29 Januari lalu dan sebutan ke 3 akan berlangsung pada April nanti.

5. Dalam kes pencerobohan bot nelayan asing, sebanyak 574 tangkapan telah berjaya dilakukan dengan mengutip kira-kira RM249 juta hasil menerusi denda nelayan asing, pelupusan vesel, kompaun dan lelongan ikan pada tahun 2006 hingga 2012. Jumlah tangkapan pada Januari 2013 ialah enam kes.

6. Bagi pencapaian carilamat (Mencari dan Menyelamat) di laut, Mariitm Malaysia telah mengambil alih tugas dari Jabatan Laut sebagai Penyelaras Operasi Mencari dan Menyelamat Maritim Kebangsaan pada Jun 2006. Statisitik Januari 2006 hingga Disember 2012 menunjukkan agensi telah mengendalikan 1,017 operasi SAR. Jumlah mangsa berjaya diselamatkan ialah 2,667 (79%) daripada jumlah keseluruhan mangsa iaitu 3,361 orang. Manakala nilai harta benda yang diselamatkan ialah RM532 135 700 juta.

7. Selain itu juga, agensi ini telah mendapat penghargaan dan pengiktirafan dari dalam dan luar negara, iaitu:

- 7.1 Pengiktirafan daripada masyarakat maritim tempatan, serantau dan antarabangsa. Penghargaan juga telah diterima daripada Persatuan Nelayan Negeri Selangor, Pahang, Sabah dan Sarawak.
- 7.2 Anugerah *International Quality Summit Award in the Gold Category for Excellence and Business Prestige* dari Business Initiative Directictions di New York pada 28 Mei 2012.

8. Selaras dengan peranan agensi tunggal penguatkuasaan maritim, program tranformasi APMM akan meneruskan perolehan dan penggantian aset bagi memperkasakan keupayaan penguatkuasaan dan carilamat. Hampir 90 peratus aset termasuk kelengkapan dan 100 peratus keperluan sumber manusia dijangka akan dapat dicapai selepas wawasan 2020.

9. Beliau dalam ucapannya menegaskan *high performance culture* adalah penting dengan menekankan ‘nilai-nilai murni dan kod tata laku’ Maritim Malaysia yang membawa pengertian nilai individu, organisasi dan kod tata laku yang harus diamalkan dan dibudayakan oleh setiap warga maritim malaysian.

10. "Salah satu daripada nilai individu ialah amanah. kita mulakan pekerjaan kita dengan rela dan berusaha menjalankan tugas yang diamanahkan dengan penuh tanggungjawab dalam batas kuasa yang ditentukan, gigih dan ikhlas untuk mencapai objektif, bersifat luhur, murni dan jujur, mempunyai sifat kerahsiaan untuk menjamin kejayaan operasi, dan melaksanakan tugas mengikut agama, undang-undang dan peraturan.

11. "Salah satu daripada nilai organisasi kita ialah kerja berpasukan. kita perlu mengutamakan kerja berpasukan, bersatu padu, saling menghormati, bekerjasama, mengiktiraf setiap warga adalah sama penting kepada organisasi, menetapkan standard yang tinggi dan juga bertanggungjawab terhadap tindakan sendiri.

12. "Dan salah satu kod tata laku pula ialah 'arahan yang sah disisi undang-undang'. ia menjelaskan setiap pegawai penguat kuasa maritim mesti mengikut semua arahan yang sah dan mematuhi semua perintah dan peraturan jabatan," kata beliau.

13. Jelas beliau, momentum pembangunan dan kecemerlangan Maritim Malaysia haruslah dilaksanakan sejajar dengan melihat produktiviti agensi dan menilai keberkesanannya menerusi *key performance index* atau KPI sebagai satu metodologi yang menjurus ke arah *high performance culture* untuk mengetahui perkara yang perlu dilaksanakan di masa hadapan.

Sebarang pertanyaan, boleh menghubungi:

1)Pn Faridah binti Shuib
03-89957019/019-2188001
faridahs@mmea.gov.my

2) Lt Kdr Maritim Fadzliana binti Fadzil
03-89957006/012-3688718
fadzliana@mmea.gov.my